



SLUŽBENI GLASNIK

GRADA VISOKO

GODINA LX

Visoko, SRIJEDA 03. juni 2026. godine

BROJ 04

36.

Na osnovu člana 50. stav 2., člana 41. i člana 51. Zakona o prostornom uređenju i građenju („Službene novine ZE-DO kantona“, broj: 17/23) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 19. sjednici, održanoj 25.05.2026. godine, donosi:

O D L U K U

O PRISTUPANJU IZRADI IZMJENA I DOPUNA PROSTORNOG PLANA GRADA VISOKO ZA PERIOD OD 2014. DO 2034. GODINE PO SKRAĆENOM POSTUPKU

Član 1.

(Vrsta planskog dokumenta čijoj se izradi ili izmjeni pristupa)

Pristupa se izradi Izmjena i dopuna Prostornog plana Grada Visoko za period od 2014. do 2034. godine („Službeni glasnik općine Visoko“, broj: 5/15 i „Službeni glasnik Grada Visoko“, broj: 6/20) po skraćenom postupku (u daljem tekstu: Izmjene i dopune Prostornog plana).

Član 2.

(Granice područja za koji se dokument radi ili mijenja)

Mijenjaju se granice sljedećih urbanih područja i građevinskih zemljišta vanurbanih područja:

- a) Proširenje urbanog područja u K.O. Moštre na parcele označene kao k.č. broj: 1094, 1095, 1079, 1080/3, 1081, 1082, 1083, 1084, 1085, 1086, 1087, 1088, 1089, 1091, 1092, 1161, 1160, 1159, 1158/1, 1158/2, 1157, 1156, 1125, 1124, 1123/1, 1123/2, 1122, 1121, 1120, 1119, 1102, 1108, 1111, 1112, 1116/1, 1116/2.

- b) Promjena namjene površine područja u K.O. Ozrakovići za parcelu označenu kao k.č. broj: 65/3.
- c) U Odluci o Provođenju Prostornog plana usklađuje i dopunjuje se član 16. i 64. shodno sa izmjenama iz stava a) i b) ovog člana.

Proširenje područja iz člana 2. stav a) vrši se u status poslovne zone, uz predviđanje dijela stambeno-poslovne namjene.

Promjena namjena površine iz člana 2. stav b) se odnosi na prenamjenu u poslovnu zonu.

Član 3.

(Vremenski period za koji se planski dokument donosi)

Vremenski period za koji se donose Izmjene i dopune Prostornog plana ostaje isti.

Član 4.

(Nosilac pripreme i Nosilac izrade planskog dokumenta)

Nosilac pripreme Izmjena i dopuna Prostornog plana je Gradonačelnik putem Službe za urbanizam, imovinsko-pravne, geodetske poslove i katastar nekretnina Grada Visoko (u daljem tekstu: Nosilac pripreme).

Nosilac izrade Izmjena i dopuna Prostornog plana je Ministarstvo za prostorno uređenje, promet i komunikacije i zaštitu okoline, Kantonalni zavod za urbanizam i prostorno uređenje Zeničko-dobojskog kantona (u daljem tekstu: Nosilac izrade).

Član 5.

(Smjernice za izradu ili izmjenu planskog dokumenta)

Nosilac pripreme osigurat će Nosiocu izrade svu neophodnu dokumentaciju za izradu Izmjena i dopuna Prostornog plana, uspostaviti

efikasnu međusobnu koordinaciju i osigurati sinhronizaciju aktivnosti.

Nosilac izrade dužan je da tokom izrade Izmjena i dopuna Prostornog plana koristiti svu raspoloživu dokumentaciju, koristeći tehnike i pristup prostornom planiranju propisan Zakonom o prostornom uređenju i građenju („Službene novine ZE-DO kantona“, broj: 17/23) i Uredbi o jedinstvenoj metodologiji za izradu planskih dokumenata („Službene novine FBiH“, broj: 63/04, 50/07 i 84/10).

Član 6. (Finansiranje)

Izrada Izmjena i dopuna Prostornog plana će se finansirati iz sredstava Grada Visoko planiranih za izradu planskih dokumenata u 2026. godini.

Član 7. (Sadržaj planskog dokumenta)

Izmjene i dopune Prostornog plana će se sastojati od tekstualnog i grafičkog dijela urađen prema Uredbi o jedinstvenoj metodologiji za izradu planskih dokumenata („Službene novine FBiH“, broj: 63/04, 50/07 i 84/10).

Član 8. (Optimalan rok izrade)

Rok za izradu Izmjena i dopuna Prostornog plana po skraćenom postupku je prema utvrđenoj dinamici Nosioca pripreme i Nosioca izrade, obzirom da se planiranim izmjenama ne mijenja osnovna koncepcija planskog dokumenta, a sve u skladu sa članovima 42. i 50. Zakonom o prostornom uređenju i građenju („Službene novine ZE-DO kantona“, broj: 17/23), a najkasnije u roku od dva mjeseca.

Član 9. (Odredbe o sudjelovanju javnosti-javnoj raspravi i javnom uvidu)

Nosilac pripreme je dužan da Nacrt Izmjena i dopune Prostornog plana podnese gradskom vijeću na usvajanje i predloži da se o istom otvori javna rasprava u trajanju od 15 dana. O Nacrtu Izmjena i dopuna Prostornog plana provodi se javna rasprava u skladu sa Zakonom o prostornom uređenju i građenju („Službene novine ZE-DO kantona“, broj: 17/23).

Nakon što nosilac pripreme prikupi iz javne rasprave sva mišljenja, primjedbe, sugestije i prijedloge na Nacrt Izmjena i dopuna Prostornog plana, iste razmatra, te formira vlastite preporuke i dostavlja ih nosiocu izrade.

Nosilac izrade dužan je u tekstualnom i grafičkom dijelu Prijedloga Izmjena i dopuna Prostornog plana izvršiti izmjene u skladu sa prihvaćenim primjedbama na Nacrt Izmjena i dopuna Prostornog plana, te isti dostaviti nosiocu pripreme.

Član 10. (Obaveze Nosioca pripreme u narednom periodu)

Nakon usvajanja Izmjena i dopuna Prostornog plana po skraćenom postupku, Nosilac pripreme se obavezuje obraditi zahtjeve koji u nadležnoj Službi pristizali od 2020.godine, nakon toga pripremiti novi prijedlog Odluke o pristupanju izradi Izmjena i dopuna Prostornog plana, te uputiti Gradskom vijeću na razmatranje i usvajanje.

Član 11. (Stupanje na snagu)

Ova Odluka stupa na snagu danom objavljivanja u „Službenom glasniku Grada Visoko“.

Broj: 02/1-02-155/26
25.05.2026. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

37.

Na osnovu člana 37. stav 7), člana 41., člana 42. i člana 51. Zakona o prostornom uređenju i građenju („Službene novine Zeničko-dobojskog kantona“, broj: 17/23), te člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 19. sjednici, održanoj 25.05.2026. godine, donosi:

O D L U K U o pristupanju izradi Regulacionog plana gradskog jezgra Visoko

Član 1. (Vrsta planskog dokumenta čijoj se izradi ili izmjeni pristupa)

Pristupa se izradi Regulacionog plana gradskog jezgra Visoko, u daljem tekstu: Regulacioni plan.

Član 2.

(Granice područja za koji se dokument radi ili mijenja)

Granica obuhvata Regulacionog plana je granica obuhvata postojećeg plana i ne mijenja se ("Službeni glasnik općine Visoko", broj: 6/00).

Član 3.

(Vrsta planskog dokumenta višeg reda šireg područja na osnovu kojeg se pristupa izradi planskog dokumenta)

Planski dokument višeg reda na osnovu kojeg se pristupa izradi Izmjena i dopuna Regulacionog plana je Urbanistički plan za urbano područje Visoko za period od 2016. do 2034. godine ("Službeni glasnik općine Visoko", broj: 1/17).

Član 4.

(Vremenski period za koji se planski dokument donosi)

Regulacioni plan se radi za vremenski period do deset godina, sa mogućnošću produženja do dodatnih 5 godina, ili do donošenja novog planskog dokumenta.

Član 5.

(Smjernice za izradu planskog dokumenta)

- Osnov za izradu Regulacionog plana su odrednice utvrđene Regulacionim planom gradskog jezgra Visoko ("Službeni glasnik općine Visoko", broj: 6/00), koje je potrebno preispitati i usaglasiti sa današnjim potrebama. Drugi osnov za izradu Regulacionog plana je Urbanistički plan za urbano područje Visoko za period od 2016. do 2034. godine ("Službeni glasnik općine Visoko", broj: 1/17).

- Zaštita urbane matrice prostorne cjeline Grada, te uz kvalitetno i racionalno sagledavanje prostora obezbijediti uslove za integraciju, rekonstrukciju ili zamjenu zatečenog građevinskog fonda, kao i novu izgradnju prema urbanističko-tehničkim uslovima koji su prilagođeni kontekstu zaštićene prostorne cjeline. Potrebno je povećati standard i kvalitet rada prostorne cjeline opremanjem područja adekvatnim sadržajima.

- Izvršiti izradu Regulacionog plana u digitalnom obliku na ažurnim katastarskim podlogama.

- Preispitati kulturno-historijsko i prirodno nasljeđe u obuhvatu granica Regulacionog plana, te po potrebi usaglasiti sa planom višeg reda, u smislu definisanja uvjeta za konzervaciju, restauraciju, rekonstrukciju i slično.

- Stvari koje nisu definisane trenutnim planom, usaglasiti sa planom višeg reda tj. Urbanističkim planom za urbano područje Visoko za period od 2016. do 2034. godine ("Službeni glasnik općine Visoko", broj: 1/17).

- Projektnim zadatkom detaljnije definisati ostale smjernice.

Član 6.

(Optimalan rok izrade)

Rok za izradu i usvajanje Regulacionog plana je najduže dvije godine od dana stupanja na snagu ove Odluke.

Član 7.

(Sadržaj planskog dokumenta)

Regulacioni plan će se sastojati od tekstualnog i grafičkog dijela koji je sačinjen prema Uredbi o jedinstvenoj metodologiji za izradu planskih dokumenata ("Službene novine FBiH", broj: 63/04, 50/07 i 84/10).

Član 8.

(Odredbe o sudjelovanju javnosti-javnoj raspravi i javnom uvidu)

Javna rasprava i javni uvid će se provesti prema odredbama Zakona o prostornom uređenju („Službene novine Zeničko-dobojskog kantona“, broj: 17/23) i Uredbi o jedinstvenoj metodologiji za izradu planskih dokumenata ("Službene novine FBiH", broj: 63/04, 50/07 i 84/10).

Član 9.

(Način osiguranja sredstava za izradu planskog dokumenta)

Regulacioni plan će se finansirati iz sredstava Grada Visoko planiranih za izradu planskih dokumenata u 2026. godini.

Član 10.

(Nosilac pripreme)

Nosilac pripreme Izmjene i dopune Regulacionog plana je Gradonačelnik putem

Službe za urbanizam, imovinsko-pravne, geodetske poslove i katastar nekretnina.

Član 11.

(Nosilac izrade planskog dokumenta)

Izbor nosioca izrade Izmjene i dopune Regulacionog plana izvršit će se u skladu sa propisima koje regulišu javne nabavke, iz reda pravnih lica koja su registrovana za djelatnost izrade planskih dokumenata.

a) Ostale odredbe

Član 12.

Postojeći Regulacioni plan gradskog jezgra Visoko ("Službeni glasnik općine Visoko", broj: 6/00) se primjenjuje do usvajanja novog, uz primjenu člana 188. Zakona o prostornom uređenju i građenju („Službene novine Zeničko-dobojskog kantona“, broj: 17/23).

Član 13.

Ova odluka stupa na snagu osmog dana od dana objavljivanja u „Službenom glasniku Grada Visoko“.

Broj: 02/1-02-156/26
25.05.2026. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

38.

Na osnovu člana 22. stav 2. i člana 199. Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06) i člana 21. Statuta grada Visoko ("Službeni glasnik grada Visoko", broj 10/21), Gradsko vijeće Visoko, na 19. sjednici, održanoj 25.05.2026. godine donosi:

ODLUKU

o uspostavi prava služnosti

Član 1.

Gradsko vijeće Visoko donosi odluku o uspostavi prava služnosti u korist JP Elektroprivreda BiH Sarajevo, Podružnica "Elektrodistribucija" Zenica, radi izgradnje priključnog 0,4 kV kabla za priključenje FNE

"Adovoda 1" na parceli k.č. 422 KO Ozrakovići, u dužini 235 m, prema projektovanoj trasi prikazanoj na geodetskoj Skici lokacije objekta, broj 04-19-15481/25 od 13.1.2026. godine, koja je sastavni dio ove Odluke.

Član 2.

Naknada za uspostavu prava iz člana 1. ove Odluke iznosi 8.520,00 KM.

Član 3.

Nosilac prava služnosti, kao investitor je dužan ispuniti sve uslove za izgradnju utvrđene Urbanističko-tehničkim uslovima broj , 04/1-19-2-334/24 od 10.7.2025. godine.

Član 4.

Zemljišnoknjižni ured Općinskog suda u Visokom će izvršiti upis prava služnosti iz člana 1. ove Odluke nakon njene konačnosti uz dokaz o plaćenju naknadi iz člana 2. ove Odluke.

Član 5.

Ova odluka stupa na snagu danom objave u "Službenom glasniku Grada Visoko".

Broj: 02/1-02-157/26
25.05.2026. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.



39.

Na osnovu člana 22. stav 2., člana 199. Zakona o stvarnim pravima ("Službene novine Federacije Bosne i Hercegovine", br.66/13 i 100/13), člana 9 i 12. Zakona o Vodama Ze-Do Kantona ("Službene novine Zeničko-dobojskog kantona" broj: 17/07), član 21. Statuta Grada Visoko („Službeni glasnik Grada Visoko“ broj: 10/21), i članom 2. i 3. Odluke o vodovodu i kanalizaciji ("Službeni glasnik Grada Visoko" broj: 06/24), Gradsko vijeće Visoko, na 19. sjednici, održanoj 25.05.2026. godine, donijelo je:

Odluka o davanju na korištenje vodoprivrednog objekta „Pertac“

Član 1.

Gradsko vijeće Visoko daje saglasnost na korištenje, upravljanje i održavanje vodoprivrednog objekta „Pertac“, koji se nalazi na parceli k.č.3284 K.O. Visoko, označen kao vodoprivredni objekat 1 površine 7m², pašnjak 3 klase površine 294 m², ukupne površine 301 m² vlasništvo Grad Visoko (javno dobro), Javnom komunalnom preduzeću „Visoko“ d.o.o. Visoko (u daljem tekstu: Preduzeće), u cilju vršenja poslova komunalnih usluga vodosnabdijevanja korisnika na području Grada Visoko.

Član 2.

Objekat iz člana 1. ove Odluke zajedno sa pripadajućim zemljištem daje se na korištenje bez naknade na neodređeni vremenski period. Troškove održavanja infrastrukture, naknada za komunalne usluge, kao i ostale troškove u oviru redovnog održavanja snosi Preduzeće u cjelosti.

Član 3.

Grad Visoko, kojeg predstavlja gradonačelnik i Javno komunalno preduzeće „Visoko“ d.o.o. Visoko će, nakon stupanja na snagu ove Odluke, zaključiti poseban Ugovor kojim će se detaljno regulisati međusobna prava i obaveze u vezi sa korištenjem, upravljanjem i održavanjem vodoprivrednog objekta iz člana 1. ove Odluke.

Član 4.

Preduzeće je dužno pažnjom dobrog privrednika koristiti, upravljati i održavati

objekat u skladu sa stručnim, tehničkim i zakonskim standardima. Za poslove koje prelaze poslove redovnog održavanja, Preduzeće je dužno zatražiti saglasnost Gradskog vijeća Visoko.

Član 5.

Ova Odluka stupa na snagu danom objave u Službenom glasniku Grada Visoko.

**Broj: 02/1-02-158/26
25.05.2026. godine
Visoko**

**PREDSJEDAVAJUĆI
Gradskog vijeća Visoko
Mr. Almir Ljeskovic, s.r.**

40.

Na osnovu člana 8. i 13. stav 2. Zakona o principima lokalne samouprave („Službene novine Federacije BiH“, broj: 49/06 i 51/09), člana 13. stav 1. tačka c), stav 4. Zakona o pripadnosti javnih prihoda u FBiH („Službene novine FBiH“ broj: 22/06, 43/08, 74/08 - odluka US 22/09, 35/14, 94/15 i 17/22), člana 3. Zakona o komunalnim taksama („Službeni list SRBiH“ broj: 21/77, 35/88 i 26/89 i „Službeni glasnik BiH“, broj 12/24 - odluka US) i člana 21. Statuta Grada Visokog („Službeni glasnik Grada Visoko“, broj: 10/21) Gradsko vijeće Visoko, na 19. sjednici, održanoj 25.05.2026. godine, donosi

**ODLUKU
o komunalnim taksama**

I - OPĆE ODREDBE

Član 1.

(Predmet Odluke)

Ovom Odlukom propisuju se komunalne takse na području grada Visoko (u daljem tekstu: takse), vrste taksi, obveznici plaćanja taksi, razrez i naplata taksi, visina taksi po tarifnom broju, način i rokovi plaćanja taksi, kriteriji za utvrđivanje takse, oslobađanje od plaćanja takse, nadzor nad provođenjem ove Odluke, kao i druga pitanja koja se odnose na naplatu taksi.

Član 2.

(Definicije pojmova)

Definicije pojmova u smislu ove Odluke su:

- a) Pod korištenjem poslovnog prostora u kojem se priređuju klasične igre na sreću i posebne igre na sreću, podrazumijeva se

- svaki prostor u kojem se priređuju klasične igre na sreću i/ili posebne igre na sreću;
- b) izvođenje muzike uživo u ugostiteljskim objektima i baštama ugostiteljskih objekata podrazumijeva povremeno ili svakodnevno izvođenje muzičkog programa (muzike uživo) uz pružanje ugostiteljskih usluga;
 - c) Priređivanje komercijalnih koncerata podrazumijeva organizovanje i priređivanje koncerata na otvorenom i u zatvorenom prostoru uz naplatu karata;

Član 3. (Vrste taksi)

Takse se naplaćuju za:

- a) Poslovni prostor u kojem se priređuju klasične igre na sreću i/ili posebne igre na sreću
- b) Izvođenje muzike uživo u ugostiteljskim objektima i baštama ugostiteljskih objekata
- c) Priređivanje komercijalnih koncerata.

Član 4. (Obveznik plaćanja takse)

- (1) Obveznik plaćanja takse je pravno i fizičko lice registrovano za obavljanje djelatnosti koje koristi prostor ili pruža uslugu za čije je držanje i korištenje propisano plaćanje takse ovom Odlukom.
- (2) Ako je za istu taksu prijavljeno više obveznika, njihova obaveza je solidarna.

II - RAZREZ I NAPLATA TAKSE

Član 5. (Nastanak obaveze plaćanja takse)

- (1) Taksena obaveza nastaje danom početka korištenja prava ili otpočinjanja vršenja usluga, za čije je korištenje propisano plaćanje takse i traje sve dok traje korištenje prava, predmeta ili vršenja usluga, ako to ovom Odlukom nije drugačije propisano.
- (2) Komunalna taksa predstavlja prihod Grada Visoko i uplaćuje se na depozitni račun Grada Visoko.

Član 6. (Razrez, utvrđivanje obaveze plaćanja i naplata takse)

- (1) Razrez, utvrđivanje obaveze plaćanja, naplatu i prinudnu naplatu utvrđenih

obaveza po osnovu komunalne takse iz člana 3. vrši Služba za finansije, privredu, poslovne prostore i ekonomski razvoj Grada Visoko.

Član 7. (Načini i rokovi za podnošenje prijave takse)

- (1) Prijavu za razrez komunalne takse iz člana 3.tačka a) ove Odluke obveznik podnosi Službi za finansije, privredu, poslovne prostore i ekonomski razvoj na propisanom obrascu najkasnije do 28. februara tekuće godine, prema stanju na dan 1. januar iste godine za koju se razrez vrši, odnosno u roku od sedam dana, ako je obveznik otpočeo sa obavljanjem djelatnosti u toku poslovne godine.
- (2) Promjene nastale poslije 1. januara tekuće godine, odnosno u toku godine, obveznik je dužan prijaviti nadležnoj službi, najkasnije narednog dana od dana nastanka promjene.
- (3) Prijavu za utvrđivanje obaveze za plaćanje takse iz člana 3. tačka b) i c) ove Odluke, obveznik plaćanja takse podnosi Službi za finansije, privredu, poslovne prostore i ekonomski razvoj najkasnije petnaest(15) dana prije nastanka taksene obaveze.
- (4) Izuzetno od stava 1) ovog člana prijava za razrez takse za 2026. godinu podnosi se do 30. juna 2026. godine prema stanju na dan 01.01.2026. godine.

Član 8. (Obaveza prijave takse)

Obveznik komunalne takse iz člana 4. ove Odluke dužan je podnijeti prijavu za komunalnu taksu utvrđenu članom 3. ove Odluke u rokovima propisanim članom 7. ove Odluke.

Član 9. (Postupak plaćanja takse)

- (1) Taksene prijave moraju biti potpune i podnesene u roku propisanom ovom Odlukom.
- (2) Obveznik plaćanja takse iz člana 3. tačka a) ove Odluke, plaća taksu u godišnjem iznosu unaprijed za tekuću godinu, najkasnije do 28.2. za tekuću godinu, odnosno u roku 15 dana od dana donošenja rješenja nadležne službe.

- (3) Ukoliko je obveznik takse započeo sa obavljanjem djelatnosti u toku poslovne godine, taksu će uplatiti unaprijed obračunatu za broj mjeseci koji je preostao do isteka poslovne godine.
- (4) Ukoliko je obveznik takse prestao sa obavljanjem poslovne djelatnosti u toku poslovne godine, ima pravo na povrat dijela uplaćene takse, obračunate za broj mjeseci koji je preostao do isteka poslovne godine od dana prestanka poslovne djelatnosti.
- (5) Na izdato rješenje nadležne službe, obveznik ili njegov zastupnik, ima pravo na žalbu u roku od 15 dana, a koja se podnosi Komisiji za statut i propise Grada Visoko.
- (6) Obveznik plaćanja takse iz člana 3. tačka b) i c) ove Odluke plaća taksu u rokovima utvrđenim rješenjem Službe za finansije, privredu, poslovne prostore i ekonomski razvoj grada Visoko. Protiv navedenog rješenja, obveznik ili njegov zastupnik ima pravo žalbe u roku od 15 dana, a koja se podnosi Komisiji za statut i propise Grada Visoko.

Član 10.

(Evidencija)

Nadležna gradska služba u saradnji sa Poreznom upravom Visoko kontinuirano prikuplja i evidentira podatke i promjene od značaja za razrez i naplatu takse.

Član 11.

(Obračun taksi)

Takse iz člana 3. ove Odluke obračunavaju se i plaćaju u visini kako je to utvrđeno Tarifom komunalnih taksi (u daljem tekstu: Tarifa), koja je sastavni dio ove Odluke.

Član 12.

(Neblagovremeno plaćanje takse)

- (1) Za neblagovremeno plaćanje takse propisane ovom Odlukom, plaća se zakonska zatezna kamata u skladu sa propisima Federacije Bosne i Hercegovine, koji regulišu visinu zatezne kamatne stope.

Član 13.

(Povrat takse)

- (1) Obveznik koji je platio taksu, koju po odredbama ove Odluke nije bio dužan da

plati, kao i obveznik koji je taksu platio u iznosu većem od propisanog, ima pravo na povrat iznosa koji nije bio dužan da plati.

- (2) Zahtjev za povrat sredstava se podnosi nadležnoj službi Grada Visoko.
- (3) Nadležna služba Grada Visoko je dužna da u roku od 30 dana odluči o zahtjevu.

III - KRITERIJI ZA UTVRĐIVANJE VISINE TAKSE

Član 14.

(Kriterij za utvrđivanje visine takse)

Visina takse utvrđuje se prema sljedećim kriterijima, i to:

- a) površina prostora po m² koja se koristi,
- b) zone u kojima se koriste predmeti, prostori ili pružaju usluge.

Član 15.

(Zone za utvrđivanje takse)

Područje grada Visoko u pogledu utvrđivanja visine takse dijeli se na šest zona i razrez i naplata taksi će se vršiti prema zonama utvrđenim Odlukom o građevinskom zemljištu („Službeni glasnik Općine Visoko broj 12/17, 1/19 i 1/20).

IV - OSLOBAĐANJE OD PLAĆANJA TAKSE

Član 16.

(Oslobađanje od plaćanja takse)

- (1) Od plaćanja takse oslobođeni su:
 - a) Organi Bosne i Hercegovine, Federacije Bosne i Hercegovine, Zeničko-dobojskog kantona i Grada Visoko,
 - b) Međunarodne organizacije i diplomatsko-konzularna predstavništva,
 - c) Ustanove iz oblasti obrazovanja, nauke, kulture i prirodne baštine, sporta, socijalne zaštite, humanitarne i dobrotvorne organizacije,
 - d) Vjerske zajednice,
 - e) Organizacije ratnih vojnih invalida, porodica šehida-poginulih boraca i demobilisanih boraca,
 - f) pravna lica koja u svojstvu suorganizatora sa Gradom Visoko organizuju manifestacije na području grada Visoko,

- (2) Zahtjev za oslobađanje od plaćanja takse podnosi se organu nadležnom za razrez i utvrđivanje takse, koji odlučuje o istom.

Poslovni prostor u kojem se priređuju klasične igre na sreću i posebne igre na sreću (KM/godišnje)	I Zona	II Zona	III Zona	IV Zona	V Zona	VI Zona
Iznos takse	20.000,00 KM	19.000,00 KM	18.000,00 KM	17.000,00 KM	16.000,00 KM	15.000,00 KM

V - NADZOR

Član 17.

(Nadzor nad provođenjem Odluke)

- (1) Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu u slučaju neplaćanja takse iz člana 3. ove Odluke vrši Služba za finansije, privredu, poslovne prostore i ekonomski razvoj.
- (2) Inspeksijski nadzor nad provođenjem ove Odluke provodi nadležna gradska inspekcija.

VI - KAZNE NE ODREDBE

Član 18.

(Kazne za prekršaje)

- (1) Novčanom kaznom u iznosu od 1.000,00 KM do 2.000,00 KM kazniće se za prekršaj pravno lice, ako u roku propisanim članom 7. ove Odluke, ne podnese prijavu za komunalnu taksu utvrđenu članom 3. iste Odluke.
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM do 1.000,00 KM.
- (3) Za prekršaj iz stava (1) ovog člana kaznit će se i fizičko lice, novčanom kaznom u iznosu od 300,00 KM - 800,00 KM.

VII - ZAVRŠNE ODREDBE

Član 19.

(Stupanje na snagu Odluke)

Odluka stupa na snagu narednog dana od dana objavljivanja u „Službenom glasniku Grada Visoko”.

ANEKS II – TARIFA KOMUNALNIH TAKSI

TARIFA BROJ 1. (Poslovni prostor u kojem se priređuju klasične igre na sreću i posebne igre na sreću)

TARIFA BROJ 2. (Izvođenje muzike uživo u ugostiteljskim objektima i baštama ugostiteljskih objekata)

Zona	Tarifa po jednom danu	Mjesečni paušal	Tromjesečni paušal
I Zona	40 KM	180 KM	400 KM
II Zona	30 KM	160 KM	350 KM
III Zona	25 KM	140 KM	300 KM
IV Zona	20 KM	130 KM	250 KM
V Zona	20 KM	130 KM	250 KM
VI Zona	20 KM	130 KM	250 KM

TARIFA BROJ 3. (Priređivanje komercijalnih koncerata)

Vrste prostora	Zatvoreni prostor	Otvoreni prostor
Visina takse	1,5KM po m ²	0,5 po m ²

NAPOMENA: kod otvorenog prostora taksa se mjeri i obračunava po m² bine i ograđenog otvorenog prostora.

Broj: 02/1-02-159/26
25.05.2026. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

41.

Na osnovu člana 8. Zakona o principima lokalne samouprave u Federaciji Bosne i Hercegovine («Službene novine FBiH», broj 49/06 i 51/09) i člana 21. Statuta Grada Visoko («Službeni glasnik Grada Visoko», broj: 10/21), Gradsko vijeće Visoko, na 19. sjednici, održanoj 25.05.2026.godine, donosi:

O D L U K U

o privremenom korištenju i održavanju zemljišta označenog kao k.č. broj 1072 i k.č. broj 1073 u K.O Radovlje

Član 1.

Gradsko vijeće Visoko daje saglasnost MZ Radovlje na privremeno korištenje i održavanje zemljište na lokalitetu MZ

Radovlje označenog kao k.č. broj 1072 / u naravi šuma 5.klase, površine 9523 m²/ i k.č broj 1073 / u naravi pašnjak 3.klase, površine 3975 m²/ u K.O Radovlje, vlasništvo Grada Visoko, a u svrhu održavanja higijensko-sanitarnih uslova /čišćenje, košenje trave, odvoz smeća/ na navedenom lokalitetu.

Član 2.

Gradsko vijeće Visoko daje saglasnost gradonačelniku Grada Visoko za zaključivanje Ugovora o održavanju i korištenju zemljišta označenog kao k.č broj 1072 i k.č broj 1073 u K.O Radovlje, vlasništvo Grada Visoko sa MZ Radovlje.

Član 3.

Ugovor o održavanju i korištenju zemljišta iz člana 1.ove Odluke zaključuje se na period od 1 /jedne godine/ bez naknade, kojim će se definisati prava i obaveze ugovornih strana.

Član 4.

Za nadzor za provođenje ove Odluke zadužuje Služba za finansije, privredu, poslovne prostore i ekonomski razvoj u okviru svojih nadležnosti.

Član 5.

Ova Odluka stupa na snagu danom donošenja, a ista će se objaviti u «Službenom glasniku Grada Visoko».

Broj: 02/1-02-160/26
25.05.2026. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

42.

Na osnovu člana 13. Zakona o principima lokalne samouprave u FBiH („Službeni novine FBiH“, br. 49/06, 51/09), člana 21. Statuta Grada Visoko („Službeni glasnik Grada Visoko“, broj: 10/21), Odluke o privremenom korištenju javnih površina na području grada Visoko („Službeni glasnik Grada Visoko“ br. 07/25) i Programa o utvrđivanju novčanih naknada za privremeno korištenje javnih površina na području grada Visoko za 2026. godinu („Službeni glasnik Grada Visoko“ br. 03/26), Gradsko vijeće Visoko, na 19. sjednici, održanoj 25.05.2026. godine, usvaja:

ZAKLJUČAK

o oslobađanju plaćanja novčane naknade za privremeno korištenje javne površine u vrijeme trajanja manifestacije „Dani kulture, trgovine i sporta – Visočko ljeto“ za 2026. godinu

I

Gradsko vijeće Visoko oslobađa plaćanja novčane naknade za privremeno korištenje javne površine u vrijeme trajanja manifestacije „Dani kulture, trgovine i sporta - Visočko ljeto“ za 2026. godinu (u daljem tekstu: „Visočko ljeto“):

- Organizatora manifestacije JU „Centar za kulturu, sport i informisanje“ Visoko (u daljem tekstu: Organizator manifestacije),
- Fizička lica koja imaju odobrenje za obavljanje djelatnosti na području grada Visoko za koju se traži korištenje javne površine, a koji su pripadnici porodica šehida i poginulih boraca i RVI,
- JU Zavičajni muzej Visoko u cilju promocije i održavanja edukativnih radionica,
- Vispak d.d. Visoko u svrhu postavljanja bosanske djezve.

II

Saglasnost iz tačke I. ovog Zaključka se daje na sljedeći način:

- Organizator manifestacije oslobađa se plaćanja novčane naknade u periodu od 21.07.2026. godine do 26.07.2026. godine,
- Predstavnici kategorije iz tačke I, podtačka b), c) i d) mogu koristiti isključivo jednu jedinicu na lokaciji koju odredi Služba nadležna za poslove upravljanje gradskom imovinom u periodu od 27.07.2026. godine do 02.08.2026. godine.

III

Organizator manifestacije i predstavnici kategorije iz tačke I, podtačka b), c) i d) su dužni pribaviti rješenje/odobrenje o privremenom korištenju javne površine za vrijeme trajanja „Visočkog ljeta“ za 2026. godinu bez obzira što su oslobođeni plaćanja naknade.

IV

Učesnici/izlagači na koje se odnosi Zakon o unutrašnjoj trgovini FBiH („Službene novine

FBiH“ broj: 87/24) dužni su da poštuju odredbe istog.

V

Ovaj Zaključak realizuje Služba za finansije, privredu, poslovne prostore i ekonomski razvoj Grada Visoko.

VI

Ovaj Zaključak stupa na snagu u roku od osam (8) od dana objavljivanja u „Službenom glasniku Grada Visoko“.

Broj: 02/1-02-161/26
25.05.2026. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

43.

Na osnovu odredaba iz člana 6. Zakona o javnim preduzećima u FBiH ("Službene novine FBiH", br. 8/05, 81/08, 22/09 i 109/12), člana 234. tačka k), a u vezi sa odredbama iz člana 303. stav (1) Zakona o privrednim društvima ("Službene novine FBiH" broj 81/15), čl. 31. - 38. Statuta Javnog preduzeća "Visoko Ekoenergija" d.o.o. Visoko ("Službeni glasnik Općine Visoko", broj 10/22), člana 4. tačka 3. Odluke o imenovanju predstavnika-punomoćnika Grada Visoko u Skupštine javnih preduzeća Grada Visoko ("Službeni glasnik Grada Visoko" broj 4/21), Zaključka Gradskog vijeća Visoko broj: 02/1-02-122/26 od 29.04.2026. godine, predstavnik -punomoćnik Grada Visoko u Skupštini Javnog preduzeća "Visoko Ekoenergija" d.o.o. Visoko, na vanrednoj sjednici Skupštine održanoj dana, 11.05.2026. godine, donosi

O D L U K U

o imenovanju na poziciju u Nadzornom odboru Javnog preduzeća "Visoko Ekoenergija" d.o.o. Visoko

Član 1.

Alijagić Harun se imenuje na poziciju u Nadzornom odboru JP "Visoko Ekoenergija" d.o.o. Visoko u skladu sa Zaključkom Gradskog vijeća Visoko broj: 02/1-02-122/26 od 29.04.2026. godine.

Član 2.

Imenovanje iz člana 1. ove Odluke vrši se na period trajanja mandata Nadzornog odbora imenovanog Rješenjem predstavnika-

punomoćnika Grada Visoko u Skupštini Javnog preduzeća "Visoko Ekoenergija" d.o.o. Visoko broj: S-068-IV-/25 od 04.10.2025. godine o konačnom imenovanju Nadzornog odbora JP „Visoko Ekoenergija“ d.o.o. Visoko, a na osnovu provedenog postupka utvrđenog Zakonom o ministarskim, vladinim i drugim imenovanjima FBiH koji je prethodno proveo Grad Visoko kao osnivač JP "Visoko Ekoenergija" d.o.o. Visoko.

Član 3.

Ovlašćuje se uprava JP "Visoko Ekoenergija" d.o.o. Visoko da sa imenovanim članom Nadzornog odbora JP "Visoko Ekoenergija" d.o.o. Visoko iz člana 1. ove Odluke zaključi ugovor o angažmanu kojim će se urediti međusobna prava i obaveze u skladu sa zakonom i aktima javnog preduzeća.

Član 4.

Ova Odluka stupa na snagu danom donošenja.

Član 5.

Ova Odluka objavit će se u "Službenom glasniku Grada Visoko".

Broj: S-027-IV/26 Predstavnik-punomoćnik Grada
11.05.2026. godine Visoko u Skupštini JP „Visoko
Visoko, Ekoenergija“ d.o.o. Visoko
Nedžad Mulagić, s.r.

S A D R Ź A J		Strana
I GRADSKO VIJEĆE VISOKO		
36.	Odluka o pristupanju izradi Izmjena i dopuna Prostornog plana Grada Visoko za period od 2014. do 2034. godine po skraćenom postupku	1
37.	Odluka o pristupanju izradi Regulacionog plana gradskog jezgra Visoko	2
38.	Odluka o uspostavi prava služnosti	4
39.	Odluka o davanju na korištenje vodoprivrednog objekta „Pertac“	4
40.	Odluka o komunalnim taksama	5
41.	Odluka o privremenom korištenju i održavanju zemljišta označenog kao k.č. broj 1072 i k.č. broj 1073 u K.O Radovlje	8
42.	Zaključak o oslobađanju plaćanja novčane naknade za privremeno korištenje javne površine u vrijeme trajanja manifestacije „Dani kulture, trgovine i sporta – Visočko ljeto“ za 2026. godinu	9
II SKUPŠTINE JAVNIH PREDUZEĆA		
43.	Odluka o imenovanju na poziciju u Nadzornom odboru Javnog preduzeća "Visoko Ekoenergija" d.o.o. Visoko	10

Izdavač: Grad Visoko, ul. Alije Izetbegovića br. 12A, Visoko

Uređuje: Muhamed Halilbegović, viši stručni saradnik

Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502

Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698